

明覺禪師語錄卷第三

綱五

參學小師允誠等編

拈古

師舉德山示衆云今夜不答話問話者三十
棒時有僧出禮拜山便打僧云某甲話也未
第五
問山云爾是甚處人云新羅人山云未踏船
舷好與三十棒法眼拈云大小德山話作兩
桺圓明道大小德山龍頭蛇尾師云二老宿
雖善裁長補短捨重從輕要見德山亦不可
何故德山大似握閻外威權有當斷不斷不

招其亂底劔諸人要識新羅僧麼只是撞著
露柱底箇瞎漢

舉雪峯一日普請自負一束藤路逢一僧峯
便拋下僧方擬取峯便踏倒歸舉似長生乃
云我今日踏者僧快生云和尚替者僧入涅
槃堂始得峯便休去師云長生大似東家人
死西家助哀也好與一踏

舉百丈再參馬祖侍立次祖以目視禪牀角
頭拂子丈云即此用離此用祖云爾他後開
兩片皮將何爲人文取拂子豎起祖云即此

用離此用丈桂拂子於舊處祖便喝百丈直得三日耳聾師云奇怪諸禪德如今列其孤者甚多究其源者極少總道百丈於喝下大悟還端的也無然刀刀相似魚魯參差若是明眼漢瞞他一點不得只如馬祖道爾他後開兩片皮將何爲入百丈豎起拂子爲復如蟲禦木爲復啐啄同時諸人要會三日耳聾麼大治精金應無變色

伏豹
舉永嘉大師到六祖繞禪牀三匝振錫一下卓然而立祖云夫沙門具三千威儀八萬細行大德從何方而來生大我慢師便喝乃云當時若下得者一喝免見龍頭蛇尾又再舉繞禪牀三匝振錫一下卓然而立代祖師云未到曹溪與爾三十棒了也

舉仰山指雪師子云還有過得此色者麼雲門云當時便與推倒師云只解推倒不能扶起

舉崇壽指凳子云識得凳子周匝有餘雲門云識得凳子天地懸殊師云澤廣藏山理能

舉香嚴垂語云如人上樹口喫樹枝手不攀
枝脚不踏樹樹下有人問西來意不對則違
他所問若對又喪身失命當恁時作麼生即
是有虎頭上座云上樹即不問未上樹請和
尚道嚴呵呵大笑師云樹上道即易樹下道
即難老僧上樹也致將一問來

舉僧問魯祖如何是不言言祖云爾口在什
麼處僧云某甲無口祖云將什麼喫飯僧無
語師云好劈脊便棒者般漢開口了合不得
合口了開不得

舉僧問雪峯古澗寒泉時如何峯云瞪目不
見底僧云飲者如何峯云不從口入僧舉到
趙州州云不可從鼻孔裏入僧却問趙州古
澗寒泉時如何州云苦云飲者如何州云死
雪峯聞舉云趙州古佛從此不答話師云衆
中總道雪峯不出者僧問頭所以趙州不肯
第五
如斯話會深屈古人雪竇即不然斬釘截鐵
本分宗師就下平高難爲作者

舉僧問西堂和尚有問有答賓主歷然無問
無答時如何堂云怕爛却去那僧問長慶有

問有答賓主歷然無問無答時如何慶云相逢盡道休官去林下何曾見一人師云何不與本分草料

舉臨濟示衆云我於先師處三度喫六十棒如萬枝子拂相似如今思一頓棒喫誰爲下

手僧出衆云某甲下手濟拈棒與僧僧擬接便打師云臨濟放處較危收來太速

舉欽山一日上堂豎起拳又開云開即爲掌五指參差復握云如今爲拳必無高下還有商量也無一僧出衆豎起拳山云爾只是箇

無開合漢師云雪竇即不然乃豎起拳云握則爲拳有高有下復開云開則成掌無黨無偏且道放開爲人好把定爲人好開也造車櫈也合轍若謂閉門造車出門合轍我也知爾向鬼窟裏作活計

舉僧問睦州高揖釋迦不拜彌勒時如何州云昨日有人問趕出了也僧云和尚恐某甲不實州云拄杖不在茗幕柄聊與三十師云睦州只有受璧之心且無割城之意

舉棗樹問僧近離甚處云漢國樹云天子還

重佛法也無僧云苦哉賴值問著某甲問著
別人即禍生云作箇什麼僧云人尚不見有
何佛法可重云閑黎受戒多少時僧云二十
夏云大好不見有人便打師云者僧棒即喫
要且去不再來棗樹令雖行爭奈無風起浪

第五

四

舉趙州問婆子什麼處去云偷趙州筭去州
云忽遇趙州又作麼生婆子便掌州便休去

師云好掌更下兩掌也無勘處

舉保壽開堂日三聖推出一僧壽便打聖云
渭麼爲人瞎却鎮州一城人眼去在壽便歸

方丈師云保壽三聖雖發明臨濟正法眼藏
要且只解無佛處稱尊當時者僧若是箇漢
纔被推出便掀倒禪牀直饒保壽全機也較
三千里

舉無業馬祖僧問如何是佛云莫妄想師云
塞却鼻孔又問如何是佛云即心是佛師云
拄却舌頭

舉僧問德山從上諸堂什麼處去山云作麼
作麼僧云勑點飛龍馬跛鼈出頭來山便休
去至來日山浴出其僧過茶與德山山撫僧

背一下僧云者老漢方始贊地師云然精金
百煉須要本分鉗鉗德山既以已方人者僧
還同受屈以柱杖一劃云適來公案且致從

上諸聖什麼處去大衆擬議師一時打趨

脩五
舉保福簽瓜次太原孚上座到來福云道得

與爾瓜喫孚云把將來福度一片瓜與孚孚
接得便去師云雖是死蛇解弄也活誰是好
手者試請辦看

舉南泉示衆云道非物外物外非道趙州出
問如何是物外道泉便打州云和尚莫打某

甲向後錯打人去在泉云龍蛇易辨衲子難
瞞師云趙州如龍無角似蛇有足當時不管
盡法無民直須喫棒了趨出

舉洞山到雲門門問近離甚處山云查渡云
夏在其處山云湖南報慈云甚時離山云去

年八月門云放爾三頓棒山至來日却上問
訊昨日蒙和尚放三頓棒不知過在什麼處
門云飯袋子江西湖南便渭麼去山於此大
悟師云雲門氣宇如王揆著便冰消瓦解當
時若據令而行子孫也未到斷絕

舉一僧參馬大師師畫一圓相云入也打不
入也打僧便入師便打僧云和尚打某甲不
得大師靠却柱杖休去師云二俱不了和尚
打某甲不得靠却柱杖擬議不來劈脊便打
舉興化問克賓維那不久爲唱道之首賓云
不入者保杜化云會來不入不會不入賓云
沒交涉化便打乃云克賓維那法戰不勝罰
錢五貫充設饋飯至來日齋時興化自白槌

云克賓維那法戰不勝不得與飯即便趕出
師云克賓要承嗣興化罰錢出院且致却須
索取者一頓棒始得且問諸人棒旣喫了作
麼生索雪竇要斷不平之事今夜與克賓維
那雪屈以柱杖一時打散

舉僧問長慶衆手淘金誰是得者慶云有伎
倆者得僧云學人還得也無慶云大遠在師
第五
代者僧當時便喝復云有伎倆者得一手分
付有伎倆者不得兩手分付學人還得也無
付蒼天蒼天

舉大慈示衆云山僧不解答話只是識病時
有僧出大慈便歸方丈師云大凡扶豎宗乘

須辯箇得失且大慈識病不答話時有僧出便歸方丈雪竇識病不答話或有僧出劈脊便打諸方識病不答話有僧出必然別有長處敢有一箇動著大唐天子只三人

舉趙州到黃檗驛見來便關却方丈州云救

火救火黃檗便出擒住云道道州云賊過後

張弓師云直是好笑笑須三十年忽有箇衲

僧問雪竇笑箇什麼笑賊過後張弓

舉僧問鏡清學人未達其源乞師方便清云

是什麼源云其源清云若是其源爭受方便

師云死水裏漫却有什麼用處侍者問適來成褫伊清云無侍者云不成褫伊清云無侍者云和尚尊意如何清云一點水墨兩處成龍師云猶較些子雪竇不是減鏡清感光要與者僧相見是什麼源其源二十年後與爾

第五

七

三十棒

舉僧問香林如何是衲衣下事林云臘月火

燒山師云臘月燒山萬種千般翹松鶴冷踏

雪人寒達磨不會大難大難

舉本仁和尚示衆云尋常不欲向聲前句後

鼓弄人家男女何故且聲不是聲色不是色時有僧問如何是聲不是聲仁云喚作色得麼云如何是色不是色仁云喚作聲得麼僧禮拜仁云且道爲汝說答汝話若人辯得有箇入處師云本仁也甚奇怪要且貪觀天上旣非聲前句後且作麼生入

舉雲門示衆云老胡生下一手指天一手指地周行七步目顧四方天上天下唯我獨尊當時若見一棒打殺與狗喫却貴圖天下太平師云便與掀倒禪牀

舉國師三喚侍者點即不到侍者三應到即不點將謂吾辜負汝誰知汝辜負吾瞞雪賓不得雲門道作麼生是國師辜負侍者處會得也是無端師云元來不會作麼生是侍者辜負國師粉骨碎身未報得師云無端無端復舉僧問投子國師三喚侍者意旨如何投子云抑逼人作麼師云擗根漢僧問興化化云一盲引衆盲師云端的瞎僧問玄沙沙云侍者却會師云停因長智僧問趙州州云如人暗中書字字雖不成文彩已彰師便喝僧

問雪竇雪竇便打也要諸方點檢乃成頌云
師資會遇意非輕無事相將草裏行負汝負
吾人莫問任從天下競頭爭

舉僧問智門和尚如何是佛云踏破草鞋赤
脚走僧云如何是佛向上事云拄杖頭上挑卷五
日月師云千兵易得一將難求

尺竿頭作伎倆不是好手者裏著得箇眼賓
主互換便能深入虎穴或不潛麼縱饒師祖
悟去也是龍頭蛇尾漢

舉僧禮拜雪峯峯打五棒僧云某甲有什麼
過峯又打五棒師云雪竇不曾與人葛藤前
五棒日照天臨後五棒雲騰致雨爾若辯得
也好與五棒

收得如何是如來藏云王老師與爾往來者
是藏師云草裏漢祖云不往不來者云亦是
藏師云雪上加霜祖云如何是珠師云嶮百

舉馬大師令智藏馳書上徑山山接書開見
一圓相於中下一點國師聞舉云欽師猶被
馬師惑師云徑山被惑且致若將呈似國師

別作箇什麼伎倆免被惑去有老宿云當時
坐却便休亦有道但與割破若與麼只是不
識著敢謂天下老師各具金剛眼睛廣作神
通變化還免得麼雪竇見處也要諸人共知

只者馬師當時畫出早自惑了也

持五

九

舉鏡清問僧趙州喫茶去爾作麼生會僧便
出去清云邯鄲學步師云者僧不是邯鄲人
爲什麼學唐步若辯得出與爾茶喫

舉僧問雲門如何是法身向上事云向上與
爾道即不難作麼生會法身僧云請和尚鑑

云鑑即且致作麼生會法身僧云與麼與麼
云者箇是長連牀上學得底我且問爾法身
還喫飯麼僧無語師云將成九仞之山不進
一簣之土過在什麼處

舉趙州訪茱萸纔上法堂茱萸云看箭州亦
云看箭茱萸云過州云中師云二俱作家蓋
是茱萸趙州二俱不作家箭鋒不相拄直饒
齊發齊中也只是箇射梁漢

舉臨濟與普化去施主家齋濟問毛吞巨海
芥納須彌爲復是神通妙用爲復法爾如然

化踢倒飯牀濟云太麤生化云者裏是甚所

在說麤說細濟休去至來日又同赴一施主

齋濟復問今日供養何似昨日化又踢倒飯

牀濟云太麤生化云瞎漢佛法說什麼麤細

濟吐舌師云兩箇老賊喫飯也不了好與二

十棒棒雖行且那箇是正賊

舉三角示衆云若論此事睂上眉毛早是蹉
過麻谷出云蹉過即不問如何是此事角云
蹉過谷便掀倒禪牀三角便打師云兩箇有
頭無尾漢眉毛未曾睂上說什麼此事蹉過

有僧問眉毛爲什麼不咬上師便打

舉睦州喚僧大德僧迴首州云擔版漢師云
睦州只具一隻眼何故者僧喚既廻頭因甚

却成擔版

舉巖頭參德山跨門便問是凡足聖德山便

第五

喝巖頭便禮拜洞山聞舉云若不是巖公大

難承當巖頭云洞山老漢不識好惡我當時
一手擡一手搦師云然則德山門下草偃風
行要且不能塞斷人口當時繞禮拜劈脊便
打非唯勦絕洞山亦乃把定巖老還會麼李

將軍有嘉聲在不得封侯也是關

舉巴陵示衆祖師道不是風動不是幡動既不是幡風向什麼處著有人與祖師作主出來與巴陵相見師云雪竇道風動幡動既是風旛向甚處著有人與巴陵作主亦出來與

雪竇相見

舉則川與龐居士摘茶次士云法界不容身
師還見我麼川云若不是老師泊與龐公答話士云有問有答蓋是尋常川不管士云適來莫怪相借問麼川亦不管士喝云者無禮

儀漢待我一一舉似明眼人在川拈茶籃便歸師云則川只解把定封疆不能同生同死當時好與捋下幞頭誰敢喚作龐居士

舉僧問雲門一言道盡時如何門云裂破師彈指三下

舉僧問睦州一言道盡時如何州云老僧在

持五

爾鉢囊裏師呵呵大笑

舉本生和尚以拄杖示衆云我若拈起爾便向未拈起時作道理我若不拈起爾便向拈起時作主宰且道老僧爲人在甚處時有僧

出云不敢妄生節目生云也知闇黎不分外
僧云低低處平之有餘高高處觀之不足生

云節目上更生節目僧無語生云掩鼻偷香
空招罪犯師云者僧也善能切磋爭奈弓折
箭盡然雖如此且本生是作家宗師拈起也

天迴地轉應須拱手歸降放下也草偃風行
必合全身遠害還見本生爲人處也無師復
拈起拄杖云太平本是將軍致不許將軍身
太平

舉僧問雪峯聲聞人見性如夜見月菩薩人

見性如晝見日未審和尚見性如何峯打三
下其僧復問巖頭巖頭打三掌師云應病設
藥且與三下若據令而行合打多少

舉太原孚上座參雪峯至法堂上顧視雪峯
便下看知事師云一千五百人作家宗師被

孚老一覷便高聳降旗孚至來日入方丈云
昨日觸忤和尚峯云知是般事便休師云果
然僧問雲門作麼生是觸忤處門便打師云
打得百千萬箇有什麼用處直須盡大地人
喫棒方可扶豎雪峯且道太原孚具什麼眼

舉安國問僧得之於心伊蘭作栴檀之樹失
之於旨甘露乃疾藥之園我要箇語具得失
兩意僧豎起拳云不可喚作拳頭國云只爲

喚作拳頭師云無繩自縛漢拳頭也不識

舉僧請益雲門大師玄沙三種病人話門云

爾禮拜著僧禮拜起門以拄杖便拄僧退後

門云爾不是患盲復喚近前來僧近前門云
爾不是患聾乃云還會麼僧云不會門云爾
不是患瘡僧於此有省師便喝云者盲龍瘡
瘡漢若不是雲門驢年去如今有底或拈撻

豎拂不管教近前又不來還會麼不應諸方
還奈何得麼雪竇若不奈何爾者一隊驢漢
有堪作箇什麼以拄杖一時打趁

舉僧問香嚴如何是王索仙陀婆嚴云過者
邊來師云鈍置殺人僧問趙州王索仙陀婆

時如何州曲躬又手師云索鹽奉馬

舉鼓山示衆云若論此事如一口劍時有僧
問承和尚有言若論此事如一口劍和尚是
死屍學人是死屍如何是劍山云拖出者死
屍僧應諾歸衣鉢下打揀便行山至晚問首

座問話僧在否座云當時便去也山云好與二十棒持師云諸方老宿總道鼓山失却一隻眼殊不知重賞之下必有勇夫然雖如此若仔細點檢來未免一時埋却

舉陸州問武陵長老了即毛端吞巨海始知

持五

十三

大地一微塵作麼生云和尚問誰州云問長老云何不領話州云我不領話爾不領話師云墮也墮也復云者葛藤老漢好與割斷拈拄杖云什麼處去也

舉仰山坐次大禪佛到翹一足云西天二十

八祖亦如是唐土六祖亦如是和尚亦如是某甲亦如是山下禪牀打四藤條持師云藤條未到打折因什麼只與四下須是箇斬釘截鐵漢始得大禪後到霍山自云集雲峯下四藤條天下大禪佛參山云打鍾著禪便走師

云者漢雖見機而變爭奈有頭無尾

舉玄沙與天龍入山見虎龍云前面是虎沙云是汝師云要與人天爲師前面端的是虎舉南泉山下有一菴主行僧經過謂菴主云近日南泉和尚出世何不去禮拜主云非但

南泉直饒千佛出興亦不能去泉聞令趙州
去看州見便禮拜主不管州從西過東主亦
不管州又從東過西主亦不管州云草賊大
敗拽下簾子便行歸舉似南泉泉云從來疑
著者漢師云大小南泉趙州被箇擔版漢勘
破了也

舉僧問風穴語默涉離微如何通不犯穴云
常憶江南三月裏鷓鴣啼處百華鮮曾有僧
問雪竇對他道磅腹剜心又且如何復云因
風吹火別是一家傷醫龜怒龜必應有主

舉巖頭雪峯欽山到德山欽山問天皇也恁
麼道龍潭也恁麼道未審德山作麼生道山
云爾試舉天皇龍潭底看欽山擬議德山便
打欽山被打歸延壽堂云是即是打我大殺
巖頭云爾恁麼他後不得道見德山師云諸
45
禪德欽山致箇問端甚是奇特爭奈龍頭蛇
尾爾試舉天皇龍潭底看坐具便撼大丈夫
漢將虎鬚也是本分他既不能德山令行一
半令若盡行雪峯巖頭總是涅槃堂裏漢
舉僧問智門和尚如何是般若體五云蚌含明

月僧云如何是般若用云免子懷胎師云非
唯把定世界亦乃安貼邦家若善能參詳便
請丹霄獨步

舉烏臼有玄紹二上座到曰云二禪伯近離
甚處云江西曰便打僧云久聞和尚有此機

要曰云爾既不會第二箇近前來僧擬議曰
亦打云同坑無異土叅堂去師云宗師眼目
須至恁麼如金翅擘海直取龍吞有般漢眼
目未辨東西拄杖不知顛倒只管說照用同
時人境俱奪

舉僧辭大隨隨問甚處去云峨眉禮拜普賢
去隨豎起拂子云文殊普賢總在者裏僧畫
一圓相拋於背後隨云侍者將一貼茶與者
僧雲門別云西天斬頭截臂者裏自領出去
師云殺人刀活人劍具眼底辯取

補五

十五

舉雪峯問僧見說大德曾爲天使來是否云
不敢峯云爭解與麼來僧云仰慕道德豈憚
關山峯云汝猶醉在出去僧便出峯乃召大
德僧迴首峯云是什麼僧亦云是什麼峯云
者漆桶僧無語峯却顧謂鏡清云好箇師僧

向漆桶裏著到清云和尚豈不是據欵結案
峯云也是我尋常用底忽若喚廻是什麼被
他道者漆桶又作麼生清云成何道理峯云
我與麼及伊爾又道據欵結案他與麼及我
又道成何道理一等是什麼時節其間有得
不得清云不見道醍醐上味爲世所珍遇此
之人翻成毒藥師云看他父子相投言氣相
合知者謂粉骨碎身此恩難報不知者謂扶
高抑下臨危悚人毒藥醍醐千載龜鑑還會
麼者漆桶

舉僧問大梅如何是祖師西來意梅云西來
無意僧舉到鹽官云一箇棺材兩箇死漢玄
沙聞舉云鹽官是作家師云三箇也得

舉雲門問新羅僧爾是甚處人云新羅人門
云將什麼過海云草賊大敗門云爲什麼在
我手裏云恰是門云一任教趙師云雲門老
漢龍頭蛇尾放過者僧爲什麼在我手裏恰
是劈脊便打

舉比禪問僧近離甚處云黃州禪云夏在甚
處云資福禪云福將何資云兩重公案禪云

爭奈在我手裏云在手裏即收取禪便打者
僧不甘隨後趨出師云奇怪宛有超師之作
還知者僧麼只解貪前不能顧後若在雪寶
手裏棒折也未放在

第十五

舉睦州示衆云我見百丈不識好惡大衆方

十六

集以拄杖一時打下復召大衆迴首丈云是
什麼有什麼共語處黃檗和尚大衆方集以

却手撓

弓少雨多風猶較些子師云說什麼猶較直
是未在若據雪寶衆集一時打下便休或有

箇無孔鐵棍爲衆竭力善能擔荷可以籠罩
古今乾坤把斷師慕拈拄杖云放過一著

舉玄沙見鼓山來作一圓相山云人人出者

箇不得沙云情知爾向驅胎馬腹裏作活計
山云和尚又作麼生玄沙云人人出者箇不

得山云和尚潛麼道得某甲爲什麼不得沙
云我得爾不得師云只解貪觀白浪不知失

舉南泉示衆云王老師賣身去也還有人買
麼一僧出衆云某甲買泉云不作貴不作賤

作麼生買僧無語時龍代云和尚屬專甲未
山云是何道理趙州云明年與和尚作領布
衫師云雖然作家競買要且不解輸機且道
精五
南泉還肯麼雪竇也擬酬箇價直令南泉進
且無門退亦無地不作貴不作賤作麼生買
十七

別處容和尚不得

舉菜菴把一榦竹上堂云還有虛空裏釘得
榦麼時有靈虛上座出云虛空是榦菜菴便
打虛云莫錯打某甲菜菴休去師云若要此
話大行直須打了趁出

舉夾山與定山同行言話次定山云生死中
無佛則無生死夾山云生死中有佛則不迷
生死互相不肅同上大梅相見了具說前事
夾山問末審那箇親那箇踈梅云一親一踈
山又問那箇親梅云且去明日來夾山至來
日又問未審那箇親梅云親者不問問者不
親夾山住後云我當時在大梅失却一隻眼
師云夾山畢竟不知換得一隻眼大梅老漢
當時聞舉若以棒一時打出宣止割斷兩人
葛藤亦乃爲天下宗匠

舉僧問保福雪峯平生有何言句得似蠻羊
挂角時福云我不可作雪峯弟子不得師云
一千五百箇布衲保福較些些子

舉僧問長慶纏羊未挂角時如何慶云草裏
漢云挂角後如何慶云亂吽喚云畢竟如何
慶云驢事未了馬事到來師云寧可碎身著
微塵終不瞎箇衆生眼長慶較些些子復云
一般漢設使蠻羊未挂角也似萬里望鄉關
舉僧問巴陵祖意教意同別陵云雞寒上樹
鴨寒下水僧問睦州祖意教意同別州云青

山自青山白雲自白雲師云問既一般答亦
相似其中有利他自利瞞人自瞞若點檢分
明管取解空第一

舉趙州示衆云今夜答話去有解問者出來
時有僧出州云比來拋磚引玉引得箇擊子
精玉法眼和尚遂乃舉問兜鐵觜先師意作麼生
覺云如國家拜將乃問甚人去得時有人出
云某甲去得云爾去不得法眼云我會也師
云靈利漢聞舉便知落處然雖如此放過覺
鐵觜夫宗師話不虛發出來必是作家因什

麼拋博引鑿諸禪德要識趙州麼從煎汗馬
無人見只要重論蓋代功

舉耽源辭國師歸省覲馬祖於地上作一圓
相展坐具禮拜祖云子欲作佛去源云某甲
不解捏目祖云吾不如汝師云然猛虎不食
其子爭奈來言不豐諸人要識耽源麼只是

箇藏身露影漢

舉鴻山問仰山甚處來云田中來鴻云田中
多少人山挿下鉢子叉手而立鴻云南山大
有人刈茆山拈得鉢子便行玄沙云我當時

若見與踏倒鉢子鏡清云不奈船何打破戽
斗僧問明招古人意在挿鉢處又手處招喚
某甲僧應諾招云還曾夢覓仰山麼師云諸
方老宿咸謂挿鉢詰奇特也大似隨邪逐惡
若據雪竇見處仰山被鴻山一問直得草繩
第五十九

自縛去死十分

舉玄沙問僧近離甚處云瑞巖沙云瑞巖有
何言句僧云長喚主人翁自云諾醒醒著他
後莫受人瞞沙云一等是弄精鬼甚奇怪却
云何不且在彼中僧云瑞巖遷化也沙云如

今還喚得應麼無對師云蒼天蒼天

舉雪峯問僧近離甚處云覆船峯云生死海
未渡爲什麼覆船師代云久響雪峯待老老
漢擬議拂袖便行其僧當時無語歸舉化覆

船船云何不道渠無生死僧再至雪峯舉此

語峯云此不是爾語云是覆船恁麼道峯云
我有二十棒寄與覆船二十棒老僧自契不
干閻黎事師云能區能別能殺能活若也辯
得天下橫行

舉德山圓明示衆云但有問答只豎一指頭

寒則普天普地寒師云什麼處見俱胝老熱
則普天普地熱師云莫錯認定盤星森羅萬
像徹下孤危大地山河通上嶮絕甚麼處得
一指頭禪

舉僧問南院從上諸聖什麼處去院云不上

天堂即入地獄云和尚作麼生院云還知寶
應老落處麼僧擬議院以拂子募口打復喚
僧近前云令合是爾行又打一拂子師云令
既自行且拂子不知來處雪竇道箇瞎且要
雪上加霜

舉保福問長慶盤山道光境俱忘復是何物
洞山道光境未忘復是何物據二老宿總未
得勦絕作麼生道得勦絕去慶良久福云情

知向鬼窟裏作活計慶云爾作麼生福云內
手扶犁水過膝第五師云俱忘未忘總由我保福
因什麼道未得勦絕酌然能有幾箇諸人又
作麼生道免得長慶在鬼窟裏師云柳絮隨
風自西自東

舉大梅聞鼴鼠鳥聲謂衆云即此物非他物
汝善護持吾當逝矣師云者漢生前莽鹵死

後顛頽即此物非他物是何物還有分付處
也無有般漢不解截斷大梅腳跟只管道貪
程太速

舉雪峯示衆云望州亭與爾相見了也烏石
嶺與爾相見了也僧堂前與爾相見了也保
福問鵝湖僧堂前且致望州亭烏石嶺什麼
處相見鵝湖驟步歸方丈保福便入僧堂師
云二老宿是即是只知雪峯放行不見雪峯
把定忽有箇衲僧出問未審雪竇作麼生豈
不是別機宜識休咎底漢還有望州亭烏石

嶺相見底衲僧麼良久云擔版禪和如麻似粟

舉趙州問大慈般若以何爲體慈云般若以何爲體州呵呵大笑至來日州掃地次大慈却問般若以何爲體州放下掃箒呵呵大笑

詩五

十一

師云前來也笑後來也笑笑中有刀大慈還

識麼直饒識得也未免喪身失命

舉德山一日飯遲自掌鉢至法堂上雪峯見云者老漢鍾未鳴鼓未響托鉢向什麼處去德山便回峯舉似巖頭頭云大小德山不會

末後句山聞舉令侍者喚巖頭至方丈問爾不肯老僧那巖頭密啓其意山至來日上堂與尋常不同巖頭到僧堂前撫掌大笑云且喜得老漢會末後句他後天下人不奈何雖然如此只得三年明招代德山云咄咄沒處去沒處去師云曾聞說箇獨眼龍元來只有一隻眼殊不知德山是箇無齒大蟲若不是巖頭識破爭得明日與昨日不同諸人要會末後句麼只許老胡知不許老胡會舉雪峯一日見獮猴乃云者獮猴各各背一

面古鏡三聖便問歷劫無名何以彰爲古鏡
峯云瑕生也聖云一千五百人善知識話頭
也不識峯云老僧住持事煩師云好與二十
棒者棒放過也好免見將錯就錯

舉僧問國師如何是本身盧舍那云與老僧

過淨瓶來僧將到淨瓶云却安舊處著僧復
問如何是本身盧舍那云古佛過去久矣雲
門大師道無朕跡師云直得一手指天一手
指地爭得無還會麼雲在嶺頭閑不徹水流
澗下太忙生

舉僧問洞山時時勤拂拭莫遣惹塵埃爲什
麼不得他衣鉢山云直饒道本來無一物也
未合得他衣鉢且道什麼人合得僧下九
六轉語皆不相契末後云設使將來他亦不
要洞山深肯第十五師云他既不受是眼將來底必
應是瞎還見第十二祖師衣鉢麼若於此入門便乃
兩手分付非但大庾嶺頭一箇提不起設使
閩國人來且欵款將去

舉僧問投子依稀似半月彎象若三星乾坤
收不得師於何處明子云道什麼云想師只

有湛水之波且無滔天之浪子云閑言語師
云投子古佛不可道不知若點檢來直是天
地懸隔纔問便和聲打

舉洛浦久爲臨濟侍者到夾山問自遠趨風
乞師一接山云目前無閑黎此間無老僧浦
便喝山云住住閑藜莫草草忽忽雲月是同
溪山各異截斷天下人舌頭即不無爭教無
舌人解語清無對山便打師云者漢可悲可
痛鈍致他臨濟他既雲月是同我亦溪山各
異說什麼無舌人不解語坐具劈口便撼夾

山若是箇知方漢必然明窓下安排
舉三聖問雪峯透網金鱗以何爲食峯云待
汝出網來向汝道聖云一千五百人善知識
話頭也不識峯云老僧住持事煩師云可惜
放過好與二十棒者棒一棒也饒不得直是

廿五

廿三

罕遇作家

舉伏牛爲馬祖馳書到國師處國師問馬祖
有何言句示人牛云即心是佛國師云是什
麼語話良久再問更有什麼言句牛云不是
心不是佛不是物國師云猶較些子師代當

時便喝牛却問和尚此間如何國師云三點
如流水曲似刈禾鎌師云是什麼語話也好
與一拶見之不取千載難忘

舉玄沙問鏡清我不見一法爲大過患爾道
不見什麼法清指露柱云莫是不見者箇法

麼沙云浙中清水白米從爾喫佛法則未在
師云大小鏡清被玄沙熱瞞我當時若見但
只向道靈山授記也未到如此

舉先報慈問僧近離甚處云卧龍慈云住彼
多少時云經冬過夏慈云龍門無宿客爲什

麼在彼許多時云師子窟中無異獸慈云爾
試作師子吼看云若作師子吼即無和尚慈
云念汝新到且放三十棒師云奇怪諸禪德
若平展則兩不相傷據令則彼此俱嶮還點
檢得麼

舉船子云千尺絲綸直下垂一波纔動萬波
隨夜靜水寒魚不食滿船空載月明歸師云
者漢勞而無功忽若雲門道一句合頭語萬
劫繫驢橛又作麼生免此過良久云莫謂水
寒魚不食如今釣得滿船歸

舉投子問荅榮禪客老僧未曾有一言半句

挂諸方耳目何用要見山僧僧云到者裏不施三拜要且不甘子云出家兒得恁麼沒碑記僧繞禪牀一帀而出子云有眼無耳朵六月火邊坐師云也不得放過纔轉便與擒住

第五

十四

便喝是誰不甘若跳得出不妨是一員衲僧

舉祖師道六塵不惡還同正覺柱杖子是塵有甚麼過過既無應合辯主所以道糞掃堆上現丈六金身且拈在一邊赤肉圍上壁立千仞又放過一著直饒八面四方正好連架

打

舉古云眼裏著沙不得耳裏著水不得忽若有箇漢信得及把得住不受人瞞祖佛言教是什麼熱枕鳴聲便請高挂鉢囊拗折柱杖管取一員無事道人又云眼裏著得須彌山

耳裏著得大海水一般漢受人商量祖佛言教如龍得水似虎靠山却須挑起鉢囊橫擔柱杖亦是一員無事道人復云恁麼也不得不恁麼也不得然後沒交涉三員無事道人中要選一人爲師

明覺禪師語錄卷第三

音釋

四五

四五

嘸 胡簞切
衡也 澄應切
求位切 直視也
土籠也 簾音丹
觀控竹 篓音寒
壇也 切
栗切 沽許活
郭忽子小切
刀胡絕也
龜午切
覩七據

永樂北藏

明覺禪師語錄

第一五五冊